



ილიას სახელმწიფო უნივერსიტეტი



საქართველოს ჯანდაცვის  
ჯივნი ბიბიოთეკა

იოანე ზოსიძე

კრებულო

იოანე ზოსიმე  
კრებული

ქებად და დიდებად ქართულისა ენისაჲ

დამარხულ არს ენაჲ ქართული დღედმდე მეორედ მოსლვისა მისისა საწამებელად, რადთა ყოველსა ენასა ღმერთმან ამხილოს ამით ენითა და ესე ენადმძინარე არს დღესამომდე, და სახარებასა შინა ამას ენასა ლაზარე ჰრქვან.

და ახალმან ნინო მოაქცია და ჰელენე დედოფალმან, ესე არიან ორნი დანი, ვითარცა მარიაჲ და მართა. და მეგობრობად ამისთვის თქუა, ვითარმედ ყოველი საიდუმლოდ ამას ენასა შინა დამარხულ არს. და ოთხისა დღისა მკუდარი ამისთვის თქუა დავით წინადაწარმეტყუელმან, რამეთუ »წელი ათასი, ვითარცა ერთიდღე», -

და სახარებასა შინა ქართულსა თავსა ხოლო მათწესსა წილი ზის რომელ ასოდ არს და იტყვს ყოვლად ოთხ- ათასსა მარაგსა; - და ესე არს ოთხი დღე, და ოთხისა დღისა მკუდარი, ამისთვის მისთანავე დაფლული სიკუდილითა ნათლის-ღებისა მამისადათა. და ესე ენაჲ შემკული და კურთხეული სახელითა უფლისადათა, მდაბალი და დაწუნებული, მოელის დღესა მას მეორედ მოსლვისა უფლისასა, და სასწაულად ესე აქუს ოთხმოც- და ათოთხმეტი წელი უმეტეს სხუათა ენათა ქრისტეს მოსლვითგან დღესამომდე. და ესე ყოველი, რომელი წერილ არს, მოწამედ წარმოგითხარ ესე წილი ანბანისაჲ.

გუნდნი იგი ზეცისანი

გუნდნი იგი ზეცისანი შენ, წმიდასა, განწყობითნი გიგალობენ: მე უღირსი შეგივრდები, რათა ვიყო მათთანავე შენგან უმაგ, ესე შესხმა სულიერი, შენ მიერვე მოცემული, კაცთა მიერ მოღუაწეთა ფრიად სიბრძნით გამოთქუმით[ა] შეიწირე ჩემ მიერცა კაცთ-მოყვარე. ორთა მიერ ბრწყინვალეთა

ღმრთისა კაცთა, სასურველთა იღრმითა მით გულისადათა, სათნოდ ღმრთისა შეკრებილი, ვითარცა რად მარგალიტი ურიცხვსა სასყიდლისა,

ჩვენ მოგუეცა მორწმუნენო, რათა ჩუენცა ვიხარებდეთ შუენიერად დატკობილნი, ჳმათა მათთა სიმრავლითა, გალობითა ბრწყინვალითა, შესხმითა მით წმიდათადათა, რომლითაცა იდიდეზი შენ სახიერ! განგვმრავლე ქველის მოქმედ, განძი ესე სულიერი, მოცემული შენმიერი, ძალსა მისსა მყვენ მომწდომელ რათა არა იყოს ჩუენდა აუგ. იხმარებდით მოძღურებითა სულიერად შესხმისადათა, ჳ კრებულო მსწავლულთაო, ურთიდეთ რად სიტყუათა მათ გალობითა ჳმეან[ი]თა, რომელთაგან იდიდეზის კაცთმოყუარე ღმერთი ჩუენი.